

Naqqiissut
(qupperneq 2-mimi iluarsisaqarpoq)

2021-mut Nunatta Karsiata naatsorsuutaasa akuersissutigineqarnissaannik siunnersuut.
(Aningasaqarnermut Naligiissitaanermullu Naalakkersuisoq)

Akissuteqaat

(Aningaasaqarnermut Naligiissitaanermullu Naalakkersuisoq)

Aappassaaneerinnineq

Kukkunersiuinermut Ataatsimiititaliaq Nunatta Karsiata 2021-mut naatsorsuutai pillugit isumaliutissiissutaanut Naalakkersuisut sinnerlugit qutsavigaara. Naalakkersuisut iluarisimaarlugu malugaat ataatsimiititaliap isumaqatigiittup Nunatta Karsiata 2021-mut naatsorsuutaasa akuerineqarnissaat pillugu aalajangiiffigisassatut siunnersuutip akuerineqarnissaa inassutigigaat.

Naalakkersuisut isumaqarput ukiup siuliani kukkunersiuinermi oqaaseqaatit pingasut 2021-mi naammassineqarnerat ajunngitsuusoq. Kukkunersiuinermi oqaaseqaatit taamaalilluni ikiliartorput.

Kukkunersiuinermut Ataatsimiititaliaq isumaliutissiissummi arlalinnik oqaaseqaateqarpoq inassuteqaateqarlunilu ataasiakkaanillu isornartorsiuteqarluni. Naalakkersuisut oqaaseqaatit inassuteqaatillu toqqakkat uani oqaaseqaateqarfigissavaat. Allat annertunerusumik oqaaseqarfiginagit tusaatissatut tiguneqarput.

Kukkunersiuinermut Ataatsimiititaliap Nanoq-kontomik taaneqartartukku ileqqaartarnermut aqqissuussinernut ernianut tapiissutinut aningaasaliissutini pissutsit immikkut misissorpai. Ataatsimiititaliaq tassunga atatillugu ernianut tapiissutit 136.000 kr.-t tikillugit annertussuseqartut akilerneqarsimanerat tupaallaatigalugu oqaatigaa. Naalakkersuisut pissutsimut tassunga oqaaseqaataat tassaavoq, ernianut tapiissutit 4 procentit aningaasat kontomi uninngatinneqartillugit ukiumut ernialinneqartartut. 136.000 kr.-t taakku taamaalillutik ukiuni arlalinni ernianut tapiissutit katinneraat, tassa ukiumi ataasiinnarmi ernianut tapiissutaanngillat.

Kukkunersiuinermut Ataatsimiititaliap maluginiarpaa, nittartagaq Naalakkersuisut pissutsinik eqqunngitsuusorisanik saqqummiussisarnermut nittartagarisaat atorsinnaanngitsoq.¹ Nittartagaq

¹ Namminersorlutik Oqartussat pissutsinik eqqunngitsuusorisanik saqqummiussisarnermut iserfissami uani maannakku takuneqarsinnaavoq: <https://nanoq.integrityline.com/frontpage>. Aningaasaqarnermut Sulisoqarnermullu Aqutsisoqarfiup

ukioq maanna siusinnerusukkut Namminersorlutik Oqartussanut cyberikkut ajoqusiinermut atatillugu atorunnaarsinneqartoq ilumoorpoq, maannakkulli iserfissami allami takuneqarsinnaavoq. Tamanna pillugu nalunaarut Naalakkersuisut intranetiannut aamma Aningaasaqarnermut Sulisoqarnermullu Aqutsisoqarfiup nittartagaatigut oktobari 2022-mi ilanngunneqarpoq.

Kukkunersiuiinermut Ataatsimiititaliaq arlalinnik isumaliuteqarpoq, Nunatta Karsiata kukkunersiuisua ingerlatsisullu allat, Kalaallit Nunaanni inatsisilerinermut kukkunersiuiinerullu iluani suliaqartut, akileraaruseriffimmik aqutsineq pillugu kukkunersiuisinnaanermut ingerlatsisoqarsinnaanersoq. Kukkunersiuiinermut Ataatsimiititaliap oqaatigaa peer-reviewimik suliaqarsinnaajumalluni nunanit sanilerisanit ikiorteqartoqarsinnaasoq. Peer-review tassaavoq immikkoortumi periutsimut pitsaanerpaamut sanilliunneqarsinnaasoq. Naalakkersuisut tassunga atatillugu oqaatigissavaat, Kalaallit Nunaanni akileraartarnermut inatsisit allanit annertuumik misissorneqartartut. Pingaartumik OECD OECD-mi nunanut ilaasortanut allanut paasissutissanik paarlaasseqatigiittarnermut tunngatillugu Kalaallit Nunaata inatsisilernermit allaffissornermilu suleriaasianik annertuumik misissuueqqammerpoq. Misissuineq akileraartarnermut inatsisit saniatigut soqutigisaqartunik allanik aamma peqataatitsinermik kinguneqarpoq, pingaartumik aningaasaqarnermi, ingerlatseqatigiiffiit pillugit inatsisilerisut, kiisalu avataani suleqatit peqataatinneqarlutik, soorlu Kalaallit Nunaanni aningaaseriviit, kukkunersiuisut eqqartuussissuserisullu.

Kukkunersiuiinermut Ataatsimiititaliaq Campus Kujallermit aningaasaqarnermik aqutsinnginnermik sakkortuumik isornartorsiuvoq. Ilinniartarfik ukiuni marlunni tulleriinni aningaasaliissutinik annertuumik qaangiisarnikuuvoq. Kukkunersiuiinermut Ataatsimiititaliaq Ado Lyngep Atuarfiani atuiallaarsimanermik taamatuttaaq isornartorsiuvoq. Isornartorsiut Naalakkersuisut soorunami tusaatissatut tiguaat. Namminersorlutik Oqartortussat immikkoortui aningaasaqarnermik aqutsineq imatut aqqissuutissavaat aningaasaliissutini sinaakkutit malinneqassallutik.

Kukkunersiuiinermut Ataatsimiititaliap Coronap ajornartoortitsinerani inuussutissarsiutinut ikiorsiissutit eqqortumik aqunneqarsimanersut pisortat suli nalilersuinnginnerat isornartoqartippaa. Naalakkersuisut tamanna pillugu ilisimatitsissutigissavaat Kukkunersiuisut Suliffeqarfiat EY nalunaarusiornikuusoq, tassani Coronap ajornartoortitsinerani 2020-mi ikiorsiissutit arlallit najoqqutassiat atuuttut napertorlugit akilernerqarsimanersut nalilersorneqarpoq. Nalunaarusiaq Naalakkersuisunut tamarmiusunut suli saqqummiunneqanngilaq, Naalakkersuisut taamaammat nalunaarusiami inerniliinerit aamma oqaaseqaateqarfigisinnaanngilaat. Ilisimatitsissutigineqarsinnaavorli taamuungaannaq tigooqaalluni misissuinerit 85-it ingerlanneqarsimmamata, sulianullu 12-inut oqaaseqaateqartoqarluni. Naalakkersuisut qulakkeerniarpaat naliliinermit suliaq piaartumik naammassineqassasoq.

nittartagaq uani takuneqarsinnaavoq: <http://www.asa.gl>.

UKA2022/11

AN Suliap normua 2022-8716

Ataatsimiititaliaq naggasiullugu inassuteqaateqarpoq kukkuniuissut suliffeqarfiat Deloitte Nunatta Karsiata 2023-mi Naatsorsuutaanik kukkuniuissasoq. Naalakkersuisut tamanna taperserpaat.

Naggasiullugu Kukkuniuinnermut Ataatsimiititaliaq isumaliutissiisummik suliaqarsimaneranut qutsavigissavara.

Taamatut oqaaseqarlunga, siunnersuut naggataarutaasumik aappassaaneerqarneranut, Inatsisartunut suliaannngortippara.